

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

OPĆINSKO VIJEĆE
-Ovdje-

PREDMET: Nacrt programa 28. tradicionalne manifestacije “Novogradski dani 2026”

PREDLAGAČ: Općinski načelnik

OBRADIVAČ: Služba za obrazovanje, kulturu i sport

Sarajevo, januar 2026.

Na osnovu člana 18. Statuta Općine Novi Grad Sarajevo (Sl. novine Kantona Sarajevo broj 01/24), član 119. i 120. Poslovnika o radu Općinskog vijeća Općine Novi Grad Sarajevo (Sl. novine Kantona Sarajevo broj 40/13, 10/15 i 13/20), Strategije razvoja Općine Novi Grad Sarajevo 2021-2027.godine (Službene novine Kantona Sarajevo broj:26/22), Programa rada Općinskog vijeća za 2026. godinu, Općinsko vijeće Novi Grad Sarajevo na ----.sjednici održanoj-----. godine utvrđuje:

NACRT PROGRAMA 28.TRADICIONALNE MANIFESTACIJE “NOVOGRADSKI DANI 2026”

U skladu sa Nacrtom Programa rada Općinskog vijeća Novi Grad Sarajevo za 2026. godinu i Programom rada Službe za obrazovanje, kulturu i sport, pripremljen je Nacrt programa 28. tradicionalne manifestacije „Novogradski dani 2026“, koja se održava u periodu od 30. 05. do 30. 06. 2026. godine, u trajanju od mjesec dana.

Općina Novi Grad Sarajevo, kao i prethodnih godina, u okviru tradicionalne kulturno-sportske manifestacije „Novogradski dani“, nastoji ponuditi raznovrstan, sadržajan i kvalitetan program namjenjen građanima Općine Novi Grad Sarajevo, kao i ostalim posjetiocima.

Program tradicionalne kulturno-sportske manifestacije „Novogradski dani“ sastoji se od sljedećih programskih cjelina:

- kultura i umjetnosti
- sport
- obilježavanje značajnih događaja, datuma i ličnosti

1. KULTURA I UMJETNOST

Predloženim Nacrtom Novogradskih dana nastoji se ponuditi građanima sadržajan i raznovrstan program kulturnih i umjetničkih događaja, uključujući koncerte, pozorišne predstave, književne večeri, izložbe i folklorne festivale, namijenjene svim generacijama. Analizirajući dosadašnju zainteresiranost i posjećenost, evidentirano je da su najposjećeniji koncerti zabavne, tradicionalne i duhovne muzike, festivali folklora, pozorišne predstave, druženja penzionera, defile maturanata, kao i sadržaji u okviru Porodičnog dana.

Realizacija programskih sadržaja planirana je na različitim lokacijama širom Općine, sa posebnim fokusom na Centar za edukaciju, sport i rekreaciju „Safet Zajko“, Multimedijalnu salu Općine kao i Centar za kulturu i edukaciju „Safet Zajko“.

1.1. MUZIČKI PROGRAM/ KONCERTI

- Koncert zabavne muzike
- Koncert tradicionalne muzike/sevdalinke
- Koncert klasične muzike/ horske muzike
- Koncert duhovne muzike

1.2. FOLKLOR I PLES

- Večer folklora
- Večer plesa

1.3. KNJIŽEVNOST I PROMOCIJA KNJIGE

- Književne večeri
- Promocija knjige
- Druženje s piscima
- Književni kutak za djecu

1.4. IZLOŽBE

- Umjetnička postavka u izložbenom prostoru Općine Novi Grad Sarajevo
- Umjetnička postavka u Centru za kulturu i edukaciju „Safet Zajko“

1.5. PREDSTAVE I FILMSKI PROGRAM

- Pozorišna predstava
- Pozorišna predstava za djecu
- Dan otvorenih vrata Kina Novi Grad

1.6. PROGRAMSKI SADRŽAJI ZA SVE GENERACIJE

- Programi i aktivnosti „Manifestacija za cijelu porodicu – Porodični dan“
- Dan otvorenih vrata Centra za kulturu i edukaciju „Safet Zajko“
- Defile maturanata novogradskih osnovnih škola
- Dan novogradskih osnovnih škola – smotra kulturno-umjetničkog stvaralaštva, izložba radova i djela vannastavne aktivnosti
- Druženje sa penzionerima uz prigodan kulturno-zabavni program
- Kviz znanja za novogradske učenike (Novogradska sveznalica)

1.7. INOVATIVNI DOGAĐAJI I LOKALNA PONUDA

- Izložba elektronskih vozila
- Izložba kreativnih radova

2. SPORTSKA TAKMIČENJA I MANIFESTACIJE

U okviru programskih sadržaja iz oblasti sporta, organizira se niz sportskih događaja i manifestacija osmišljenih da ponude široku lepezu sportskih takmičenja od lokalnih, državnih i međunarodnih turnira, takmičarskog, rekreativnog i revijalnog karaktera. U takmičenjima učestvuju sportski klubovi i udruženja sa područja Općine Novi Grad Sarajevo, novogradske škole, udruženja osoba s invaliditetom i drugi subjekti.

Prilikom organizacije sportskih aktivnosti i takmičenja poštovat će se načelo zastupljenosti muških i ženskih sportskih programa, kao i programa namjenjenih osobama sa invaliditetom. Predlaže se da se u sportski dio programa uvrste takmičenja ili turniri iz slijedećih oblasti :

2.1. PARAOLIMPIJSKI SPORTOVI

- Turnir u sjedećoj odbojci
- Turnir košarka u kolicima

2.2. NOGOMETNI TURNIRI

- Fudbalski turnir
- Malonogometni turnir

2.3. ODOJKAŠKI, KOŠARKAŠKI I RUKOMETNI TURNIR

- Turnir u košarci
- Street basket (3x3)
- Turnir u odbojci
- Turnir u odbojci na pijesku
- Rukometni turnir

2.4. BORILAČKI SPORTOVI

- Turnir karatea
- Bokserski turnir
- Kick boks turnir
- Taekwondo turnir

2.5. SPORTSKI MITINZI

- Atletski miting
- Plivački miting

2.6. OSTALA SPORTSKA TAKMIČENJA

- Ritmička gimnastika
- Tenis
- Stoni tenis
- Šah
- Streljaštvo
- Takmičenje u jahanju/konjičke trke
- Sportski ribolov
- Igre mladih
- Sportski ples
- Biciklizam

Prijedlozi za realizaciju sportskih programa, kao i organizaciju istih, bit će ocijenjivani prema sljedećim kriterijima

- iskustvo i kontinuitet u organizaciji sportskih takmičenja
- kvalitet programa
- broj prijavljenih ekipa/takmičara
- resursi, kapacitet i planirana financijska sredstva

- mjesta za organiziranje
- promocija i afirmacija lokalne i šire društvene zajednice
- učešće ekipa/takmičara iz drugih općina, gradova i regija
- uključenost različitih ciljnih skupina (djece, omladine, osjetljivih kategorija stanovništva, lica treće životne dobi)
- posjećenost prethodnih manifestacija
- inovativnost sportskih programa

3. OBILJEŽAVANJE ZNAČAJNIH DOGAĐAJA, DATUMA I LIČNOSTI

U skladu sa Programom obilježavanja događaja, datuma i ličnosti iz perioda Odbrambeno-oslobodilačkog rata 1992 - 1995. godina i datuma i događaja iz perioda Narodno-oslobodilačkog rata 1941 - 1945. godina na području Općine Novi Grad Sarajevo, nastoji se na primjeren i dostojanstven način odati počast šehidima i poginulim borcima, poginulim građanima, obilježiti se značajni datumi u odbrani te na taj način ukazati poštovanje porodicama šehida i poginulih boraca posjetama mjesta pogibije i stradanja građana BiH i istaknutih patriota.

Tradicionalna manifestacija Novogradski dani obuhvaća obilježavanje slijedećih značajnih datuma i događaja kako slijedi:

- 01. 06. - Obilježavanje dana kada je agresorska granata na Bajramskom turniru na Dobrinji usmrtila 15 i ranila više od 100 građana
- 02. 06. - Obilježavanje dana pogibije i stradanja mještana Dobroševića, Ahatovića i Bojnika građana i dan formiranje prvog logora u Rajlovcu
- 04. 06. – Obilježavanje godišnjice pogibije braće Kadić, patriota, boraca i istaknutih sportista.
- 08.06. – Dan odbrane Općine Novi Grad Sarajevo i bitke za brdo Žuč
- 10. 06.- Dan Patriotske lige i Zelenih beretki
- 11. 06. Obilježavanje bitke za vodovod Mojnilo, pogibije Nadira Kafedžića i saboraca, odbrane kote 680
- 12. 06. – Obilježavanje godišnjice pogibije Safeta Isovića, Salke Muraspahića i oslobađanja Mijatović kose
- 14. 06. – Obilježavanje pogibije 48 boraca i mještana iz Ahatovića u mjestu Sokolina i 18 boraca u Ahatovićima lokalitet Ranovača
- 17. 06.- Obilježavanje dana pogibije komadanta Safeta Zajke
- 17.06. – Dan logoraša Općine Novi Grad Sarajevo
- 21.06. – Obilježavanje dana odbrane Dobrinje i Aerodromskog naselja
- 24. 06. – Obilježavanje dana pogibije Muzafera Mešića i Derviša Vražalice

4. JAVNA RASPRAVA

Usvajanju Programa „Novogradski dani 2026“ prethodi javna rasprava o Nacrtu programa 28. tradicionalne manifestacije „Novogradski dani 2026“ u trajanju od 30 dana.

Učesnici javne rasprave su: radna tijela Općinskog vijeća, općinske službe, mjesne zajednice, klubovi općinskih vijećnika, politički subjekti koji učestvuju u radu Općinskog vijeća, nevladine organizacije, kulturno-obrazovne institucije i druge zainteresovane organizacije, pravna lica i građani.

Prijedloge, inicijative i mišljenja dostavljene u periodu trajanja javne rasprave, razmorit će nadležno radno tijelo/organizacioni odbor vodeći računa o kvalitetu i značaju predloženih programa, te sačiniti prijedlog Programa 28. tradicionalne manifestacije „Novogradski dani 2026“ i dostavit ga na razmatranje Općinskom vijeću.

Na osnovu naprijed navedenog predlažemo sljedeći:

Z A K L J U Č A K

1. Utvrđuje se Nacrt programa 28. tradicionalne manifestacije “Novogradski dani 2026” u predloženom tekstu i upućuje u javnu raspravu u trajanju od 30 dana.
2. Subjekti javne rasprave su radna tijela Općinskog vijeća, općinske službe, mjesne zajednice, klubovi općinskih vijećnika, politički subjekti koji učestvuju u radu Općinskog vijeća, nevladine organizacije, kulturno-obrazovne institucije, kao i druge zainteresovane organizacije, pravna lica i građani.
3. Nacrt Programa 28. tradicionalne manifestacije “Novogradski dani 2026” bit će objavljen putem web stranice Općine. Prijedloge, primjedbe i sugestije potrebno je dostaviti Službi za obrazovanje, kulturu i sport u roku utvrđenom za provođenje javne rasprave.
4. Nadležno radno tijelo/organizacioni odbor razmotrit će prijedloge, inicijative i mišljenja dostavljene tokom javne rasprave, vodeći računa o kvalitetu i značaju predloženih programa, te sačiniti prijedlog Programa 28. tradicionalne manifestacije „Novogradski dani 2026“ i dostavit ga na razmatranje Općinskom vijeću.
5. U slučaju zaprimanja većeg broja istovrsnih ili sličnih programskih sadržaja, nadležno radno tijelo / organizacioni odbor razmotrit će mogućnost objedinjavanja i racionalizacije broja programskih sadržaja u cilju efikasnije organizacije i realizacije programskih sadržaja u okviru 28. tradicionalne manifestacije “Novogradski dani 2026”.

Priprema/obrada:

Služba za obrazovanje, kulturu i sport

Općinski načelnik

mr. Semir Efendić